

唐
音
統
籤

丁籤九十三白居易之二 唐音統籤卷四百一

五言古詩二

舊編長慶前
集諷諭內

春雪

元和歲在卯六年春二月月晦寒食天天陰夜飛
雪連宵復竟日浩浩殊未歇大似落鷲毛密如飄
玉屑寒銷春茫蒼氣變風凜冽上林草盡沒曲江
水復結紅乾杏花死絲凍楊柳折所憐物性傷非
惜年芳絕上天有時令四序平分別寒燠苟反常
物性皆天闕我觀聖人意魯史有其說或記水不
水或書霜不殺上將儆政教下以防災孽茲雪今

如何信美非特節

高僕射

富貴人所愛聖人去其泰所以致仕年著在禮經
內玄元亦有訓知止則不殆二疎獨能行遺跡東
門外清風久銷歇追此向千載斯人古亦稀何況
今之代遑遑名利客白首千百輩唯有高僕射七
十懸車蓋我年雖未老歲月亦云邁預恐耄及時
貪榮不能退中心私自做何以爲我戒故作僕射
詩書之於大帶

白牡丹

和錢學士作

城中看花客旦暮走營營素華人不顧亦占牡丹
名開在深寺中車馬無來聲唯有錢學士盡日進
叢行憐此皓然質無人自芳馨衆嫌我獨賞移植
在中庭留景夜不暝迎光曙先明對之心亦靜虛
白相向生唐昌玉蘂花攀翫衆所爭折來比顏色
一種如璵瓊彼因稀見貴此以多爲輕始知無正
色愛惡隨人情豈惟花獨爾理與人事并君看入
眼者紫艷與紅英

贈內

生爲同室親死爲同穴塵他人尚相勉而况我與

君黔婁固窮士妻賢忘其貧糞缺一農夫妻敬儼
如賓陶潛不營生翟氏自爨薪梁鴻不肯仕孟光
甘布裙君雖不讀書此事耳亦聞至此千載後傳
是何如人人人生未死間不能忘其身所須者衣食
不過飽與溫蔬食足充饑何必嘗膏珍繒絮足禦
寒何必錦繡文君家有貽訓清白遺子孫我亦貞
苦士與君新結婚庶保貧與素偕老同欣欣

寄唐生

賈誼哭時事阮籍哭路岐唐生今亦哭異代同其
悲唐生者何人五十寒且饑不悲口無食不悲身

無衣所悲忠與義悲甚則哭之太尉擊賊曰殿太尉以

務擊尚書叱盜時顏尚書叱大夫死兇寇陸大夫

朱泚諫議謫蠻夷陽諫議左每見如此事聲發涕輒爲亂兵

隨徃徃聞其風俗士猶或非憐君頭半白其志竟

不衰我亦君之徒鬱鬱何所爲不能發聲哭轉作

樂府詩篇篇無空文句句必盡規功高虞人箴痛

甚騷人辭非求宮律高不務文字音惟歌生民病

願得天子知未得天子知甘受時人嗤藥民氣味

苦琴淡音聲稀不懼權豪怒亦任親朋讖人竟無

奈何呼作狂男兒每逢羣動息或遇雲霧披但自

唐音統義 卷四百一 三 丁

高聲歌朕幾天聽
卑歌哭雖異名所感則同歸寄
君三十章與君爲哭詞

傷唐衢二首

自我心存道外物少能通常排傷心事不爲長歎
息忽聞唐衢歿不覺動顏色悲端從東來觸我心
惻惻伊昔未相知偶遊滑臺側同宿李翺家一言
如舊識酒酣出送我風雪黃河北日西並馬頭語
別至昏黑君歸向東鄭我來遊上國交心不交面
從此重相憶憐君儒家子不得詩書力五十着青
衣試官無祿食遺文僅千首六義無差忒散在京

洛間何人爲收拾

憶昨元和初忝備諫官位是時兵革後生民正憔悴但傷民病痛不識時忌諱遂作秦中吟一吟悲一事貴人皆怪怒閒人亦非訾天高未及聞荆棘生滿地惟有唐衢見知我平生志一讀典歎嗟再吟垂涕泗因和三十韻手題遠緘寄致吾陳杜開賞愛非常意此人無復見此詩猶可貴今日開篋看蠹魚損文字不知何處葬欲問先獻歎終去哭墳前還君一掬淚

陳杜謂子昂與甫也此詩猶可貴謂唐衢詩也

問友

唐音統籤

卷四百一

四

丁

種蘭不種艾蘭生艾亦生根
荻相交長莖葉相附
榮香莖與臭葉日夜俱長
大鋤艾恐傷蘭
溉蘭恐滋艾
蘭亦未能溉艾亦未能除
沉吟意不決問君
欲何如

悲哉行

悲哉爲儒者力學不知疲
讀書眼前開秉筆手生
胝十上方一第成名常苦遲
縱有官達者兩鬢已
成絲可憐少壯日適在窮
賤時丈夫老且病焉用
富貴爲沉沉朱門宅中有
乳臭兒狀貌如婦人光
明膏染肌手不把書卷身
不攬戎衣二十襲封爵

門承勲戚資春來日日出服御何輕肥朝從博
飲暮有倡樓期平封還酒債堆金選蛾眉聲色
馬外其餘一無知山苗與爛松地勢隨高卑古來
無奈何非君獨傷悲

紫藤

藤花紫蒙茸藤葉青扶疎誰謂好顏色而爲害有
餘下如蛇屈盤上若繩縈紆可憐中間樹束縛成
枯株柔蔓不自勝嫋嫋挂空虛豈知纏樹木干夫
力不如先柔後爲害有似諛佞徒附著君權勢君
迷不肯誅又如妖婦人綢繆其夫奇邪壞人室

夫惑不能除寄言邦與家所慎在其初毫末不早
辨滋蔓信難圖願以藤爲戒銘之於座隅

放鷹

十月鷹出籠草枯雉兔肥下韝隨指顧百擲無一
遺鷹翅疾如風鷹爪利如錐本爲鳥所設今爲人
所資孰能使之然有術甚易知取其向背性制在
餓飽時不可使長飽不可使長饑饑則力不足飽
則背人飛乘饑縱搏擊未飽須繫維所以爪翅功
而人坐收之聖明馭英雄其術亦如斯鄙語不可
棄吾聞諸獵師

循若辛願我當此日草堂深掩門
褐裘覆純被坐臥有餘溫
幸免饑凍苦又無隴畝勤
念彼深可愧自問是何人

納粟

有吏夜扣門高聲催納粟
家人不待曉場上張燈
燭揚簸淨如珠一車三十斛
猶憂納不中鞭責及
僮僕昔余謬從事內愧才不足
連授四命官坐尸十年祿
常聞古人語損益周必復
今日諒甘心還他太倉穀

薛中丞

百人無一直百直無一遇借問趨者誰正人行得
路中丞薛存誠守直心甚固皇明燭如日再使秉
王度奸豪與佞巧非不憎且懼直道漸光明邪謀
難葢覆每因匪躬節知有匡時具張爲墜網綱倚
作頽簷柱悠哉上天意報施紛廻互自古已冥茫
從今猶不論豈與小人意昏然同好惡不然君子
人何反如朝露襄相昨已天薛君今又去以我惜
賢心五年如旦暮况聞善人命長短繫運數今我
一涕零豈爲中丞故

秋池二首

前池秋始半卉物多摧壞欲暮權先委未霜荷已
敗默然有所感可以從茲誠本不種松筠早凋何
足怪

鑿池貯秋水中有蘋與芰天旱水暗消塌然委空
地有似況況者附離權與貴一旦恩勢移相隨共
憔悴

夏旱

太陰不離畢太歲仍在午旱日與炎風枯憔悴我田
畝金石欲銷鑠况茲禾與黍嗷嗷萬族中唯農最
辛苦闕然望歲者出門何所覩但見棘與茨羅生

偏場圍惡苗承沴氣欣然得其所感此因問天可
能長不雨

諭友

昨夜霜一降殺君庭中槐乾葉不待黃索索飛下
來憐君感物節晨起步前階臨風鬪葉立半日顏
色衰西望長安城歌鍾十二街何人不歡樂君獨
心悠哉白日頭上走朱顏鏡中頽平生青雲心銷
化成死灰我今贈一言勝飲酒千杯其言雖甚鄙
可破悒悒懷朱門有勳貴陋巷有顏回窮通各有
命不繫才不才推此自裕裕不必待安排

丘中有一士二首

命首句
爲題

丘中有一士不知其姓名面色不憂苦血氣常
平每選隙地居不闢要路行舉動無尤悔物莫與
之爭藜藿不充腸布褐不蔽形終歲守窮餓而無
嗟歎聲豈是愛貧賤深知時俗情勿矜羅弋巧鸞
鶴在冥冥

丘中有一士守道歲月深行披帶索衣坐拍無絃
琴不飲濁泉水不息曲水陰所逢苟非義糞土干
黃金鄉人化其風薰如蘭在林智愚與強弱不忍
相欺侮我欲訪其人將行復沉吟何必見其面但

在學其心

新製布裘

桂布白似雪，吳綿軟於雲。布重綿且厚，爲裘有餘溫。朝擁坐，暮覆眠。達晨誰知履，冬月支體暖。如春中夕，忽有念撫裘起，逡巡丈夫骨兼濟。豈獨善一身，安得萬里裘。蓋裹周四垠，穩暖皆如我。天下無寒人。

杏園中棗樹

人言百果中，唯棗凡且鄙。皮皴似龜手，葉小如鼠耳。胡爲不自知，生花此園裏。豈宜過攀翫，幸免遭

傷毀二月曲江頭雜英紅旖旎棗亦在其間如嫫
對四子東風不擇木吹煦長未已眼看欲合抱得
盡生生理寄言遊春客乞君一迴視君愛繞指柔
從君憐柳祀君求悅目艷不敢爭桃李君若作大
車輪軸村須此

蝦蟇

和張十六

嘉魚薦宗廟靈龜貢邦家應龍能致雨潤我百穀
芽蠶蠶水族中無用者蝦蟇形穢肌肉腥出沒於
泥沙六月七月交時雨正滂靈蝦蟇慕得其志快樂
無以知地既蕃其生使之族類多天又與其聲得

以相誼譁豈惟玉池上
汚君清冷波何獨瑾蕤
亂君鹿鳴歌常恐飛上天
跳躍隨姮娥往往蝕明
月遺君無奈何

寄隱者

寶藥向鄒城行憇青門樹
道逢馳驛者色有非常
權親族走相送欲別不敢住
私怪問道傍何人復
何故云是右丞相當國握
樞務祿厚食萬錢恩深
日三顧昨日延英對今日
崖州去由來君臣閒寵
辱在朝暮青青東郊草中
有歸山路歸去卧雲人
謀身計非誤

放魚

此後六詩
到江州作

曉日提竹籃家僮買春蔬青青芹鱖下疊臥雙白
魚無聲但呀呀以氣相煦濡傾籃窮地上撥刺長
尺餘豈唯刀机憂坐見螻蟻鬪脫泉雖已久得水
猶可蘇放之小池中且用救乾枯水小池窄狹動
尾觸四隅一時幸苟活久遠將何如鱗其不得所
移放於南湖南湖連西江好去勿踟躕施恩卽望
報吾非斯人徒不須泥沙底辛苦覓明珠

文柏牀

陵上有老柏柯葉寒蒼蒼朝爲風煙樹暮爲寢寢

林以其多奇文宜升君子堂剗削露節目拂拭生
輝光玄班狀狸首素質如截肪雖充悅目翫終乏
周身防華彩誠可愛生理苦已傷方知自殘者爲
有好文章

屏陽三題 并序

廬山多桂樹溢浦多修竹東林寺有白蓮花皆
植物之貞勁秀異者雖宮囿有寺中未必能盡
有夫物以多爲賤故南方人不貴重之至有蒸
爨其桂剪棄其竹白眼於蓮花者予惜其不生
於北土也因賦
三題以唁之

廬山桂

假寒月中桂結根依青天風繞月起改子下人

間飄零委何處乃落匡廬山生爲石上桂葉如剪
碧鮮枝幹日長大根莖日牢堅不歸天上月空老
山中年廬山去咸陽道里三四千無人爲移植得
入上林園不及紅花樹長栽溫室前

溢浦竹

潯陽十月天天氣仍溫燠有霜不殺草有風不落
木玄冥氣力薄草木冬猶綠誰肯溢浦頭起眼看
修竹其有顧盼者持刀斬且束剖劈青琅玕家家
蓋墻屋吾聞汾晉間竹少重如玉胡爲取輕賤生
此江西曲

東林寺白蓮

東林北塘水湛湛見底清中生白芙蓉箇箇三百
華白日豎光彩清颺散芳馨洩香銀囊破瀉露玉
盤傾我慙塵埃眼見此瓊瑤英乃知紅蓮花虛得
清淨名夏萼敷未歇秋芳結纜成夜深衆僧寢獨
起繞池行欲投一顆子寄向長安城但恐出山去
人間種不生

大水

潯陽郊郭間大水歲一至間間半漂蕩城堞多傾
墜蒼茫生海色渺漫連空翠風捲白波翻日煎紅

浪沸工商撤屋去牛馬登山避虎當率稅時頗害
農桑事獨有傭舟子鼓枻生意氣不知萬人災自
覓錐刀利吾無奈爾何爾非久得志九月霜降後
水澗爲平地

丁籤九十三白居易之三 唐音統籤卷四百二

五言古詩三

舊編長慶前
集諷諭內

續古詩十首

戚戚復戚戚送君遠行役行役非中原海外黃沙
磧伶俜獨居妾迢遞長征客君望功名歸妾憂生
死隔誰家無夫婦何人不離析所恨薄命身嫁遲
別日追妾身有存沒妾心無改易生爲閨中婦死
作山頭石

掩淚別鄉里飄飄將遠行茫茫綠野中春盡孤客
情驅馬上丘隴高低路不平風吹棠梨花啼鳥時

唐詩集卷之二十一
一 聲 才 暮 何 代 人 不 知 何 姓 名 化 作 路 傍 土 年 年
春 草 生 感 彼 忽 自 悟 今 我 何 營 營

朝 承 山 上 薇 暮 采 山 上 薇 歲 晏 薇 亦 盡 饑 來 何 所
爲 坐 飲 白 石 水 手 把 青 松 枝 擊 節 獨 長 歌 其 聲 清
且 悲 樛 馬 非 不 肥 所 苦 常 繫 維 豢 豕 非 不 飽 所 憂
竟 爲 犧 行 行 歌 此 曲 以 慰 常 苦 饑

雨 露 長 織 草 山 苗 高 入 雲 風 雪 折 勁 木 澗 松 摧 爲
薪 風 摧 此 何 意 雨 長 彼 何 因 百 丈 澗 底 死 寸 莖 山
上 春 可 憐 苦 節 士 感 此 涕 盈 巾

窈 窕 雙 鬟 女 容 德 俱 如 玉 晝 居 不 踰 閭 夜 行 常 秉

燭氣如含露蘭心如貫霜竹宜當備嬪御胡爲守
幽獨無媒不得選年忽過三六歲暮望漢宮誰在
黃金屋邯鄲進媚女能唱黃花曲一曲稱君心恩
榮連九族

栖栖遠方士讀書三十年業成無知己徒步來入
關長安多王侯英俊競攀援幸隨衆賓末得廁門
館問東閣有旨酒中堂有管絃何爲向隅客對此
不開顏富貴無是非主人終日歡貧賤多悔尤容
子終夜歎歸去復歸去故鄉貧亦安

涼風飄嘉樹日夜減芳華下有感秋婦攀條苦悲

嗟我本幽閑女結髮事豪家豪家多婢僕門內頗
驕奢良人近封侯出入鳴玉珂自從富貴來恩薄
讒言多寡婦獨守禮祥妾互奇妾但信言有玷不
察心無瑕容光未銷歇歡愛忽蹉跎何意掌上玉
化爲眼中砂盈盈一尺水浩浩千丈河勿言小大
異隨分有風波閨房猶復爾邦國當如何

心亦無所迫身亦無所拘何爲腸中氣鬱鬱不得
舒不舒良有以同心久離居五年不見面三年不
得書念此令人老抱膝坐長吁豈無盈樽酒非君

誰與娛

攬衣出門行遊觀
遶林渠澹澹春水暖
東風生綠蒲
上有和鳴鷹
下有掉尾魚
飛沉一何樂
鱗羽各有徒
而我方獨處
不與之子俱
顧彼自傷已
禽魚之不如
出遊欲遣憂
孰知憂有餘

春旦日初出
曠曠耀晨輝
草木照未遠
浮雲已蔽之
天地黯似晦
當午如昏時
雖有東南風
力微不能吹
中園何所有
滿地青青葵
陽光委雲上
傾心欲何依

秦中吟十首

并序

貞元元和之際予在長安聞見之間
有足悲者因直歌其事命爲秦中吟

議婚

天下無正聲悅耳卽爲娛人閒無正色悅目旣爲
姝顏色非相遠貧富則有殊貧爲時祈棄富爲時
所趨紅樓富家女金縷繡羅襦見人不歛手嬌癡
二八初母兄未開口已嫁不須叟綠窓貧家女寂
寞二十餘荆釵不直錢衣上無真珠幾迴人欲聘
臨日又踟躕主人會良媒置酒滿玉壺四座且勿
飲聽我歌兩途富家女易嫁嫁早輕其夫貧家女
難嫁嫁晚孝於姑聞君欲娶婦娶婦意何如

重賦

厚地植桑麻所冀濟生民生理布帛所求活一身
身外充征賦上以奉君親國家定兩稅本意在
愛人厥初防其淫明敕內外臣稅外加一物皆以
枉法論奈何歲月久貪吏得因循浚我以求寵歛
索無冬春織絹未成疋纒絲未盈斤里胥迫我納
不許整遊巡歲暮天地閉陰風生破村夜深煙火
盡霰雪白紛紛切者形不蔽老者體無溫悲喘與
寒氣併入鼻中辛昨日輸殘稅因窺官庫門繒帛
如山積絲絮似雲屯號爲羨餘物隨月獻至尊奪
我身上暖買爾眼前恩進入瓊林庫歲久化爲塵

傷宅

誰家起甲第朱門大道邊豐屋中櫺比高墻外迴
環纍纍六七堂棟宇相連延一堂費百萬鬱鬱起
青煙洞房溫且清寒暑不能干高堂虛且卧坐臨
見南山繞廊紫藤架夾砌紅藥闌攀枝摘櫻桃帶
花移牡丹主人此中坐十載爲大官厨有臭敗肉
庫有貫朽錢誰能將我語問爾骨肉間豈無窮賤
者忍不救饑寒如何奉一身直欲保千年不見馬
家宅今作奉誠園

傷友

又云傷
節士

陋巷孤寒士出門苦栖栖雖云志氣在豈免顏色
低平生同門友通籍在金闈曩者膠漆契邇來雲
雨睽正逢下朝歸軒騎五門西是時天久陰三日
雨淒淒塞驢避路立肥馬當風嘶迴頭忘相識占
道上沙堤昔年洛陽社貧賤相提携今日長安道
對面隔雲泥近日多如此非君獨慘悽處生不變
者唯聞任與黎

任公孫
黎逢

不致仕

七十而致仕禮法有明文何乃貪榮者斯言如不
聞可憐八九十齒墮雙眸昏朝露貪名利夕陽憂

子孫掛冠顧翠綬懸卓惜朱輪金章腰不勝僂
入君門誰不愛富貴誰不戀君恩年高須告老名
遂合退身少時共噉誚賢歲多因循賢哉漢二疎
彼獨是何人寂寞東門路無人繼去塵

立碑

勲德既下衰文章亦陵夷但見山中石立作路旁
碑銘勲悉太公叙德皆仲尼復以多爲貴千言直
萬貲爲文彼何人想見下筆時但欲愚者悅不思
賢者嗤豈獨賢者嗤仍傳後代疑古石蒼苔字安
知是愧詞我聞望江縣勳令撫惇齋勳令名在官

有仁政名不聞京師身歿欲歸葬百姓遮路岐攀
轅不得去留葬此江湄至今道其名男女涕皆垂
無人立碑碣唯有邑人知

輕肥

意氣驕滿路鞍馬光照塵借問何爲者人稱是內
臣朱紱皆大夫紫綬或將軍誇赴軍中宴走馬去
如雲鱗鬣溢九醞水陸羅八珍果擘洞庭橘贈切
天池鱗食飽心自若酒酣氣益振是歲江南旱徻
州人食人

五絃

清歌且罷唱紅袂亦停舞趙叟抱五絃宛轉當曾
撫大聲麗若散颯颯風和雨小聲細欲絕切切鬼
神語又如鶴報喜轉作猿啼苦十指無定音顛倒
宮徵羽坐客聞此聲形神若無主行客聞此聲
足不能舉嗟嗟俗人耳好今不好古所以綠窓琴
日日生塵土

歌舞

秦城歲云暮大雪滿皇州雪中退朝者朱紫盡公
侯貴有風雲興富無饑寒憂所營唯第宅所務在
追遊朱門車馬客紅燭歌舞樓歡酣促密坐醉暖

慶重裘秋官爲主人廷尉居上頭日中爲一樂夜
半不能休豈知闕鄉獄中有凍死囚

買花

帝城春欲暮喧喧車馬度共道牡丹時相隨買花
去貴賤無常價酬直看花數灼灼百朵紅萋萋五
束素上張幄幕庇旁織色籬護水洒復泥封移來
色如故家家習爲俗人人迷不悟有一田舍翁偶
來買花處低頭獨長歎此歎無人論一叢深色花
十戶中人賦

贈友五首 并序

者友有王佐之才者以致君濟人爲已
任識者深許之因歸是詩以廣其志云

一年十二月每月有常令君出臣奉行謂之握金
鏡由茲六氣順以遂萬物性時令一反常生靈受
其病周漢德下衰王風始不競又從斬晁錯諸侯
益強盛百里不同禁四時自爲政盛夏興土功方
春勦人命誰能救其失待君佐邦柄戔戔象魏門
懸注彛倫正

銀生楚山曲金生鄱溪濱南人棄農業求之多苦
辛披砂復鑿石矻矻無冬春斂手足盡厖愛利不
愛身畬田旣墮斫稻田亦懶耘相攜作游手皆道

求金銀畢竟金與銀何殊泥與塵且非衣食物不
濟饑寒人棄本以趨末日富而歲貧所以先聖王
棄藏不爲珍誰能反古風待君秉國鈞捐金復抵
璧勿使勞生民

私家無錢鑪平地無銅山胡爲秋夏稅歲歲輸銅
錢錢力日已重農力日已殫賸糶粟與麥賤買絲
與綿歲暮衣食盡焉得無饑寒吾聞國之初有制
垂不刊傭必算丁口租必計桑田不求土所無不
強人所難量入以爲出上足下亦安兵興一變法
兵息遂不還使我農桑人顛顛畝畝間誰能革此

獎待君秉利權復彼租庸法令如貞觀年

京師四方則王化之本根長吏久於政然後風教
敦如何尹京者遷次不遠巡請君屈指數十年十
五人科條日相矯吏力亦已勤寬猛政不一民心
安得淳九州雍爲首群牧之所遵天下率如此何
以安吾民誰能變此法待君贊鑿綸慎擇循良吏
令其長子孫

三十男有室二十女有歸近代多離亂婚姻多過
期嫁娶既不早生育常苦遲兒女未成人父母已
衰羸凡人貴達日多在長大時欲報親不待孝心

無所施哀哉三牲養少得及庭闈惜哉萬鍾哭多用飽妻兒誰能正婚禮待君張國維庶使孝子心皆無風樹悲

寓意詩五首

豫樟生深山七年而後知挺高二百丈本末皆十圍天子建明堂此材獨中規匠人執斤墨承度將有期孟冬草木枯烈火燎山陂疾風吹猛焰從根燒到枝養材三十年方成棟梁姿一朝爲灰燼柯葉無子遺地雖生爾材天不與爾時不如糞土英猶有人掇之已矣勿重陳重陳令人悲不悲焚燒

苦但悲采用遲

赫赫京內史炎炎中書郎昨傳徵拜日恩賜頗殊
常貂冠水蒼玉紫綬黃金章佩服身未暖已聞竄
遐荒親戚不得別吞聲泣路旁賓客亦已散門前
雀羅張富貴來不久倏如瓦溝霜權勢去尤速譬
若石火光不如守貧賤貧賤可久長傳謂宦遊子
且來歸故鄉

促織不成章提壺但聞聲嗟哉蟲與鳥無實有虛
名與君定交日久要如弟兄何以示誠信白水指
爲盟雲雨一爲別飛塵兩難并君爲得風鵬我爲

失水鯨音信日已疎恩分日已輕窮通尚如此何
况死與生乃知擇交難須有知人明莫將山上松
結託水上萍

翩翩兩玄鳥本是同巢鷺分飛來幾時秋夏炎涼
變一宿蓬蓽廬一栖明光殿偶因銜泥處復得重
相見彼矜杏梁貴此嗟茅棟賤眼看秋社至兩處
俱難戀所託各暫時胡爲相歎羨

萋萋園中樹根株大合圍蠹爾樹間蟲形質一何
微孰謂蟲至微蟲蠹已無期孰謂樹之大花葉有
衰時花衰夏未實葉病秋先萎樹心半爲土觀者

安得知借問蟲何在在在身不在枝借問蟲何食食
心不食皮豈無啄木鳥驚長將何爲

讀史五首

楚懷放麇均國政亦荒淫彷徨未忍決遠澤行悲
吟漢文疑賈生謫置湘之陰是時刑方措此去難
爲心士生一代間誰不有浮沉良時真可惜亂世
何足欽乃知汨羅恨未抵長沙深

禍患如棼絲其來無端緒馬遷下蠶室嵇康就囚
囹抱寃志氣屈忍耻形神沮當被戮辱時奮飛無
翅羽商山有黃綺潁川有巢許何不從之遊超然

離網罟山林少羈鞅世路多艱阻寄謝伐檀人慎
勿嗟窮處

漢日大將軍少爲乞食子秦時故列侯老作鋤爪
士春華何曄曄園中發桃李秋風忽蕭條堂上生
荆杞深谷變爲岸桑田成海水勢去未須悲時來
何足喜寄言榮枯者反復殊未已

含沙射人影雖病人不知巧言構人罪至死人不
疑撥蜂殺愛子掩鼻戮寵姬弘恭陷蕭望趙高謀
李斯陰德既必報陰禍豈虛施人事雖可罔天道
終難欺明則有刑辟幽則有神祇苟免勿私喜鬼

得而誅之

季子憔悴時婦見不下機買臣負薪日妻亦棄如
遺一朝黃金多佩印衣錦歸去妻不敢視婦嫂強
依依富貴家人重貧賤妻子欺奈何貧富間可移
親愛志遂使中人心汲汲求富貴又令下人力各
競錐刀利隨分歸舍來一取妻孥意

丁籤九十三白居易之四 唐音統籤卷四百三

五言古詩四

舊編長慶集諷諭內

和答詩十首

并序

五年春微之從東臺來不數日又左轉爲江陵士曹據詔下日會予下內直歸而微之已卽路邂逅相遇於街衢中自永壽寺南抵新昌里非得馬上話別語不通相勉保方寸外形骸而已因不暇及他足夕足下天子山非寺僕職役不得去論季華送行且奉新詩一軸致於執事凡二十章率有比興淫文體韻無一字焉意者微足下在途諷讀且以遣日時消憂慙又有以張直氣而扶壯心也及足下到江陵寄在路贈詩十七章凡五六千言言有爲章有肯迨于律體裁皆得作者風發絨開卷且喜且怪僕牛犢遽戒不能示他人唯與約直拒非及樊籠師輩三四人時一吟讀心甚貴重然竊思之豈僕所奉者二十章遽能開足下聰明使之然也

抑又不知足下是行也天將屈足下之道激足下之心使感時發憤而臻於此耶若兩不然者何立意措辭與足下前時詩如此之相遠也曩既羨足下詩又憐足下心盡欲引任簡而和之屬直布拘牽居無暇日故不卽時如意旬月多乞病假假中稍閒且摘卷中尤者繼成十章亦不下三千言其間所見同者固不能自異異者亦不能強同同者謂之和異者謂之答并別錄和藹趣春詩一章各附于本篇之末餘未和者亦續致之頃者在科試間常與足下同筆硯每下筆時輒相顧共患其意太切而理太周故飛太辯則辭繁意太切則言激然與足下爲文所長在於此所病亦在於此足下來序果有詞化文繁之說今僕所和者猶前病也待與足下相見日各引所作稍刪其繁而晦其義焉餘具書白

和心歸樂

山中不栖鳥夜半聲嚶嚶似道思歸樂行人掩泣

聽皆疑此山路遷客多南征憂憤氣不散結化爲
精靈我謂此山鳥本不因人生人心自懷土想作
思歸鳴孟嘗平居時娛耳琴冷冷雍門一言感未
奏淚沾纓魏武銅雀妓日與歡樂并一旦西陵望
欲歌先涕零峽猿亦何意隴水復何情爲入愁人
耳皆爲腸斷聲請看元侍御亦宿此郵亭因聽思
歸鳥神氣獨安寧問君何以然道勝心自平雖爲
南遷客如在長安城云得此道來何慮亦何營窮
達有前定憂喜無交爭所以事君日持憲立大庭
雖有迴天力撓之終不傾况始三十餘年少有直

名心中志氣大眼前爵祿輕君恩若雨露君威若
雷霆退不苟免難進不曲求榮在火辨玉性經霜
失松貞展禽任三黜靈均長獨醒獲戾自東洛貶
官向南荆再拜辭闕下長揖別公卿荊州又非遠
驛路半月程漢水照天碧楚山插雲青江陵橋似
珠宜城酒如飴徐盈切誰謂謫謫去未妨遊賞行人
生百歲內天地暫寓形太倉一稊米大海一浮萍
身委逍遙篇心付頭陀經尚達死生觀寧爲寵辱
驚中懷苟有主外物安能縈任意思歸樂聲聲啼

到明

和陽城驛

商山陽城驛中有歎者誰云是元監察江陵謫去
時忽見此驛名良久涕欲垂何故陽道州名姓同
於斯憐君一寸心寵辱誓不移疾惡若巷伯好賢
如緇衣沉吟不能去意者欲改爲改爲避賢驛大
署於門楮荆人愛羊祜戶曹改爲辭一字不忍道
况兼姓呼之因題八百言言直文甚奇詩成寄與
我鏗若金和線上言陽公行友悌無等夷骨肉同
衾裯至死不相離次言陽公迹夏邑始棲遲鄉人
化其風少長皆孝慈次言陽公道終日對酒卮兄

弟笑相顧醉貌紅怡怡次言陽公節蹇蹇居諫司
誓心除國蠹決死犯天威終言陽公命左遷天一
涯道州炎瘴地身不得生歸一一皆實錄事事無
子遺凡是爲善者聞之惻然悲道州旣已矣往者
不可追何世無其人來者亦可思願以君子文告
彼大樂師附於雅歌末奏之白玉墀天子聞此章
教化如法施直諫從如流佞臣惡如疵宰相聞此
章政柄端正持進賢不知倦去邪勿復疑憲臣聞
此章不敢懷依違諫官聞此章不忍縱詭隨然後
告史氏舊史有前規若作陽公傳欲令後世知不

勞叙世家不用費文辭但使國史上全錄元稹詩

答桐花

山木多蒼鬱茲桐獨亭亭葉重碧雲片花簇紫霞
英是時三月天春暖山雨晴夜色向月淺闇香隨
風輕行者多商賈居者悉黎民無人解賞愛有客
獨屏營手攀花枝立足躑躅花影行生憐不得所歎
欲揚其聲截爲天子琴刻作古人形云待我成器
薦之於穆清誠是君子心恐非草木情胡爲愛其
華而反傷其生老龜被剝腸不如無神靈雄鷄自
斷尾不願爲犧牲况此好顏色花紫葉青青宜遂

天地性忍加刀斧刑我思五下力拔入九重城當
君正殿栽花葉生光鼎上對月中桂下覆堦前奠
沈拂香爐煙隱映芥藻屏爲君發清韻泠泠如叩
瓊風來聲滿耳鄭衛不足聽受君封植力不獨吐
芬馨助君行春令開花應晴明受君雨露恩不獨
含芳榮戒君無戲言剪葉封弟兄受君歲月功不
獨資生成爲君長高枝鳳凰上頭鳴一鳴君萬歲
壽如山不傾再鳴萬人泰泰階爲之平如何有此
用幽滯在巖坳歲月不爾駐孤芳坐凋零請向桐
枝上爲余題姓名待余有勢力移爾獻丹庭

和大鶩鳥

鳥者種有二名同性不同鶩小者慈孝鶩大者貪
庸鶩大命又長生來十餘冬物老顏色變頭毛白
茸茸飛來庭樹上初但驚兒童老巫生奸計與鳥
意潛通云是非凡鳥遙見起敬恭千歲乃一出喜
賀主人翁祥瑞來自日神靈占知風陰作非斗使
能爲人吉凶此鳥所止家家產日夜豐上以致壽
考下可宜田農主人富家子身老心童蒙隨巫拜
復祝婦姑亦相從殺雞薦其肉敬若禮六宗鳥喜
張大鶩飛接在虛空鳥旣飽羶腥巫亦饗茸濃鳥

巫互相利不復兩西東
日日營巢窟稍稍近房櫳
雖生八九子誰辨其雌雄
群雛又長成衆背逞殘
克探巢吞鷲卵入簇啄蠹虫
豈無乘秋隼羈絆委
高墉但食烏殘肉無施搏擊功
亦有能言鸚翅碧
背距紅暫曾說烏罪囚
閉在深籠青青窗前柳鬱鬱
鬱井上桐貪烏占栖息
慈烏獨不容慈烏爾奚爲
來往何憧憧曉去先晨鼓
暮歸後昏鐘辛苦塵土
間飛啄禾黍叢得食將毋哺
饑腸不自充主人憎
慈烏命子削彈弓絃續會稽竹
丸鑄荆山銅慈烏
求毋食飛下爾庭中
數粒未食口一丸已中
習仰

天號一聲似欲訴蒼穹反哺日未足非是惜微躬
誰能持此冤一爲問化工胡然大鶩鳥竟得天年
終

答四皓廟

天下有道見無道卷懷之此乃聖人語吾聞諸仲
尼矯矯四先生同稟希世資隨時有顯晦秉道無
磷緇秦皇肆暴虐二世避阨離先生相隨去商嶺
採紫芝君看秦獄中戮辱者李斯劉項爭天下謀
臣竟悅隨先生如鸞鶴出入冥冥飛君看齊鼎中
焦爛者酈其子房得沛公自謂相遇遲八難掉舌

樞三略役心機辛苦十數年晝夜形神疲竟雜霸者道徒稱帝者師子房爾則能此非吾所宜漢高之季年嬖寵鍾所私冢嫡欲廢奪骨肉相憂疑豈無子房口口舌無所施亦有陳平心心計將何爲皓皓四先生高冠危映眉從容下南山顧盼入東閣前瞻惠太子左右生羽儀却顧戚夫人楚舞無光輝心不畫一計口不吐一詞闡定天下本遂安劉氏危子房吾則能此非爾所知先生道旣光太子禮甚卑安車留不住功成棄如遺如彼旱天雲一雨百穀滋澤則在天下雲復歸希夷勿高巢與

由勿尚呂與伊巢由往不返伊呂去不歸豈如四
先生出處兩逶迤何必長隱逸何必長濟時由來
聖人道無朕不可窺卷之不盈握舒之亘八階先
生道甚明夫子猶或非願子辨其惑爲予吟此詩

和雉媒

吟君雉媒什一晒復一歎和一何晚今日乃成
篇豈唯鳥有之抑亦人復然張陳刎頸交竟以勢
不完至今不平氣塞絕泝水源趙襄骨肉親亦以
利相殘至今不善名高於磨笄山况此籠中雉志
在飲啄間稻梁暫入口性已隨人遷身苦亦自忘

同族何足言但恨爲媒拙不足以白全勸君今日
後養鳥養青鸞青鸞一失侶至死守孤單勸君今
日後結客結任安主人賓客去獨住在門闌

和松樹

亭亭山上松——生朝陽森聳上參天柯條百穴
長漠漠塵中槐兩兩夾康莊婆婆娑低覆地枝幹亦
尋常八月白露降槐葉次第黃歲暮滿山雪松色
鬱青蒼彼如君子心秉操貫水霜此如小人面變
態隨炎涼共知松勝槐誠欲栽道傍糞土種瑤草
瑤草終不芳尚可以斧斤伐之爲棟梁殺身獲其

所爲君構明堂不然終天年老死在南岡不願亞
枝葉低隨槐樹行

答箭鏃

矢人職司憂爲箭恐不精精則利其鏃錯磨鋒鏑
成插以青竹箠羽之赤鴈翎勿言分寸鏃爲用乃
長兵聞有狗盜者晝伏夜潛行摩弓拭箭鏃夜射
不待明一盜旣流血百犬同吠聲狺狺嗥不已主
人爲之驚盜心憎主人主人不知情反責鏃太利
矢人獲罪名寄言控弦者願君少留聽何不向西
射西天有狼星何不向東射東海有長鯨不然學

仁貴三矢平虜廷不然學仲連一發下燕城胡爲
射小盜此用無乃輕徒沾一點血虛汗筋頭腥

和古社

廢村多年樹生在古社隈爲作妖狐窟心空身未
摧妖狐變美女社樹成樓臺黃昏行人過見者心
徘徊餓鵬竟不捉老犬反爲媒歲媚年少客十去
九不迴昨夜雲雨合烈風驟迅雷風拔樹根出雷
劈社壇開飛電化爲火妖狐燒作灰天明至其所
清曠無氛埃舊地葺村落新田闢荒萊始知天降
火不必常爲災勿謂神默默勿謂天恢恢勿喜犬

不捕勿誇鵬不猜寄言狐媚者天火有時來

和分水嶺

高嶺峻稜稜細泉流壘壘勢分合不得東西隨所
委悠悠草蔓底濺濺石罅裏分流來幾年晝夜兩
如此朝宗遠不及去海三千里浸潤小無功山苗
長旱死縈紆用無所奔迫流不已唯作嗚咽聲夜
入行人耳有源殊不竭無坎終難至同出而異流
君看何所似有似骨肉親派別從茲始又似勢利
交波瀾相背起所以贈君詩將君何所比不比山
上泉比君井中水

有木詩八首 并序

余嘗讀漢書列傳見侯嬴媿媿嬰圖身忘國如張禹輩者見或上蠱下交亂君親如江充輩者見暴復跋扈壅塞君樹黨如梁冀輩者見色仁行違先德後激如王莽輩者又見外狀恢弘中無實用者又見附離權勢隨之覆亡者其初皆有動人之才足以惑衆媚主莫不合於始而敗於終也因引風人騷人之興賦有木八章不獨諷前人亦儆後代爾

有木名弱柳結根近清池風煙借顏色雨露助華滋
峩峩白雪毛嫋嫋青絲枝漸密陰自庇轉高梢
四垂截枝扶爲杖軟弱不自持折條用樊圃柔脆
非其宜爲樹信可慨論材何所施可惜金堤地栽
之徒爾爲

有木名櫻桃得地早滋茂葉密獨承日花繁偏受
露迎風開搖動引鳥自來去鳥啄子難成風來枝
莫住低軟易攀翫佳人屢迴顧色求桃李饒心向
松筠妬好是映牆花本非當軒樹所以姓蕭人曾
爲伐櫻賦

有木秋不凋青青在江北謂爲洞庭樹美人白
植上受以思下動流灑力實成乃是根臭苦
堪食物有似是者真僞何由識美人默無言對
長歎息中含字物意外嬌凌霜色仍向入霜

生刺如棘

有木名杜梨陰在... 空朽... 薄媚狐言語巧天... 惡患此... 棲託四傍五六... 交錯借門... 吹子落... 社... 故... 迴燒不着

有木香... 北川頭生... 主人不知... 闔愛其有芳味因以調... 葉前後... 一活豈徒悔封植兼亦誤... 採掇試問識藥人始知... 名野葛年深已滋蔓刀斧不可伐... 何時猛風來爲我連枝拔

有木名水榿平直童根株非勁挺柯多蒙
籠彩翠色如柏鱗地似一同松柏類得列嘉
樹中枝弱勝雪勢高常風低還舉風入
西復東芳甚楊柳早落先一堪賞中
心無壺只

有木名凌霄擢秀非孤標偶依一林樹遂抽八
條託根附樹身開花寄樹梢自謂得其勢無匹有
動搖一旦樹摧倒獨立暫飄飄疾風從東起吹折
不終朝朝爲拂雲花暮爲委地樵寄言立在者勿
學柔弱苗

有木名丹桂四時香馥馥花團夜雪明葉剪春雲
綠風影清似水霜枝冷如玉獨占小山幽不容凡
鳥宿匠人愛芳直裁截爲厦屋幹細力未成用之
君自速重任雖大過直心終不曲縱非梁棟材猶
勝尋常木

歎魯二首

季桓心豈忠其富過周公陽貨道豈正其權執國
命由來富與權不繫才與賢所託得其地雖愚亦
獲安甓肥因糞壤鼠穩依社壇虫獸尚如此豈謂
無因緣

展禽胡爲者直道竟三黜顏子何如人屢空聊過
日皆懷王佐道不踐陪臣秩自古無奈何命爲時
所屈有如草木分天各與其一荔枝非名花牡丹
無其實

反鮑明遠白頭吟

炎炎者烈火營營者小蠅火不轉白頭蠅不點清
水此苟無所受彼豈能相仍乃知物性中各有能
不能古稱怨恨死則人有所懲懲淫或應可在道
未爲弘譬如蝟鷲徒啾啾能鳴宜者人之去察
廓高飛騰豈能泥塵下區區酬怨憎胡升白首

春悲仍撫膺

青塚

上有饑鴈號下有枯蓬走茫茫邊雪裏一掬沙塵
塙傳是耶若墓埋閉蛾眉久凝脂化爲泥鉛黛復
何有時有陰怨氣常生墳左右鬱鬱如苦霧不隨
骨銷朽婦人無他才榮枯繫妍否何乃明妃命獨
懸盡工手丹青一註誤白黑相紛糺遂使君眼中
西施作媼母同儕傾寵幸異類爲配偶禍福安可
知美顏不如醜何言一時事可戒千年後特報後
來姝不須倚眉首無辭挿荆釵嫁作貧家婦不見

青塚上行人爲澆酒

雜感

君子防悔尤賢人戒行藏嫌疑遠瓜李言動慎毫
芒立教固如此撫事有非常爲君持所公仰面問
蒼蒼大齧桃樹根李樹皮見傷老龜烹不延端
及古桑城門自焚燕池魚罹其殃陽貨肆虎暴仲
尼畏於匡魯酒薄如水邯鄲開戰以伯禽鞭見血
過失由成王都尉身降虜宮刑加子長呂安兄不
道都市殺嵇康斯人死已久其事甚昭彰是非不
由尸禍患安可防使我千載後涕泗滿衣裳

丁籤九十三白居易之五 唐音統籤卷四百四

五言古詩五

舊編長慶前
集開適內

常樂里閒居偶題十六韻兼寄劉十五公與

王十一起呂二炅呂四頰崔十八玄亮元九

稹劉三十二敦質張十五仲元時爲校書郎

帝都名利場鷄鳴無安居獨有懶慢者日高頭未

梳工拙性不同進退迹遂殊幸逢太平代天子好

文儒小才難大用典校在秘書三旬兩入省因得

養頑踈茅屋四五間一馬二僕夫俸錢萬六千月

給亦有餘既無衣食牽亦少人事拘遂使少年心

日日長宴如勿言無知已躁靜各有徒蘭臺七八
人出處與之俱旬時阻談笑且夕望軒車誰能雙
校間解帶臥吾廬窓前有竹翫門外有酒沽何以
待君子數竿對一壺

答元八宗簡同遊曲江後明日見贈

長安千萬人出門各有營唯我與夫子信馬悠悠
行行到曲江頭反照草樹明南山好顏色病客有
心情水禽翻白羽風荷嫋翠莖何必滄浪去卽此
可濯纓時景不重來賞心難再并坐愁紅塵裏夕
鼓藜藜聲歸來經一宿世慮稍復生賴聞瑤華唱

再得塵襟

感時

朝見日上天暮見日入地不覺明鏡中忽年三十
四勿言身未老冉冉行將至白髮雖未生朱顏已
先悴人生詎幾何在世猶如寄雖有七十期十人
無一二今我猶未悟徃徃不適意胡爲方寸間不
貯浩然氣貧賤非不惡道在何足避富貴非不愛
時來當自至所以達人心外物不能累唯當飲美
酒終日陶陶醉斯言勝金玉佩之無失墜

首夏同諸校正遊開元觀因宿翫月

我與二三子策名在京師官小無職事閒於爲客
時沉沉道觀中心賞期在茲到門車馬迴入院巾
杖隨清和四月初樹木正華滋風清寒葉影鳥戀
殘花枝向夕天又晴東南餘霞披置酒西廊下待
月益行遲須臾金魄生若與吾徒期光華一照耀
殿角相參差終夜清景前笑歌不知疲長安名利
地此興幾人知

永崇里觀居

李夏中氣候煩暑自此收蕭颯風雨天蟬聲暮啾
啾永崇里巷靜華陽觀院幽軒車不到處滿地槐

花秋年光忽冉冉世事本悠悠何必待衰老然後
悟浮休真隱豈長遠至道在冥搜身雖世界住心
與虛無遊朝餓有蔬食夜寒有布裘幸免凍與餓
此外復何求寡慾雖少病樂天心不憂何以明吾
志周易在床頭

早送舉人入試

夙駕送舉人東方猶未明白謂出太早已有車馬
行騎火高低影銜鼓參差聲可憐早朝者相看意
氣生日出塵埃飛羣動互營營各何求無非
利與名而我常晏起虛仕長安城春深官又滿口

有歸山情

招王質夫

自此後詩爲
盤桓尉時作

濯足雲水客折腰簪笏身
誼閒跡相背十里別經旬
忽因乘逸興莫惜訪羣塵
窓前故栽竹與君爲主人

祇役駱口因與王質夫同遊秋山偶題三韻
石擁百泉合雲破千峯開
平生煙霞侶此地重徘徊
今日勤王意一半爲山來

見蕭侍御憶舊山草堂詩因和以寄

琢玉以爲架綴珠以爲籠
玉架紉野鶴珠籠鑲冥

鴻鴻思雲外天鶴憶松上風珠玉信爲美烏不戀
其中臺中蕭侍御心與鴻鶴同晚起慵冠豸間行
厭避驄昨見憶山詩詩思浩無窮歸夢杳何處舊
居茫水東秋開杉桂林春老芝木叢自云別山後
離抱常忡忡衣繡非不榮持憲非不雄所樂不在
此悵望草堂空

病假中南亭閒望

欹枕不視事兩日門掩關始知吏役身不病不得
閒閒意不在遠小亭方丈閒西簷竹稍上坐見大
白山遙愧峯上雲對此塵中顏

仙遊寺獨宿

沙鶴上堦立潭月當戶開此中留我宿兩夜不能
迴幸與靜境遇喜無歸侶催從今獨遊後不擬共
人來

官舍小亭閒望

風竹散清韻煙槐凝綠姿日高人吏去閒坐在茅
茨葛衣禦時暑蔬飯療朝饑持此聊自足心力少
營爲亭上獨吟罷眼前無事時數峯太白雪一卷
陶潛詩人心各自是我是良在茲迴謝爭名客其
從君所嗤

聽彈古淥水

琴曲名

聞君古淥水使我心和平欲識慢流意爲聽疎泚
聲西窓竹陰下竟日有餘清

松齋自題

時爲翰
林學士

非老亦非少年過三紀餘非賤亦非貴朝登一命
初才小分易足心寬體長舒充腸皆美食容膝卽
安居况此松齋下一琴數帙書書不求甚解琴聊
以自娛夜直入君門晚歸臥吾廬形骸委順動方
寸付空虛持此將過日自然多晏如昏昏復默默
非智亦非愚

冬夜與錢員外同直禁中

夜深草詔罷霜月
淒凜欲臥暖殘盃
燈前相對飲連鋪
青練被對置通中
枕髮髻百餘宵與君
同此寢

和錢員外禁中夙興見示

窓白星漢曙窓暖燈火餘
坐卷朱裏幕看封紫泥
書宵宵鐘漏盡瞳瞳霞景初
樓臺紅照耀松竹青
扶疎君愛此時好回頭特謂
余不知上清界曉景復何如

夏日獨直寄蕭侍御

憲臺文法地翰林清切司鷹猜課野鶴驥德責山
麋課責雖不同同歸非所宜是以方寸內忽忽聞
相思夏日獨上直日長何所爲澹然無他念虛靜
是吾師形委有事牽心與無事期中臆一以曠外
累多若遺地貴身不覺意閒境來隨但對松與竹
如在山中時情性聊自適吟詠偶成詩此意非夫
子餘人多不知

松聲

修竹里張家
宅前亭作

月好好獨坐愛松在前軒西南微風來潛入枝葉
間蕭寥發爲聲半夜明月前寒山颯颯雨秋琴冷

冷絃一聞滌炎暑再聽破昏煩竟夕遂不寐心體
俱翛然南陌車馬動西鄰歌吹繁誰知茲簷下滿
耳不爲喧

贈吳丹

巧者力苦勞知者心苦憂愛君無巧智終歲閒悠
悠嘗登御史府亦佐東諸侯手操糺謬簡心運決
勝籌宦途似風水君心如虛舟汎然而不有進退
得自由今來脫豸冠時往侍龍樓官曹稱心靜居
處隨跡幽冬負南簷日支體甚溫柔夏臥北窓風
枕席如涼秋南山入舍下酒甕在床頭人間有閒

地何必隱林丘顧我愚且昧勞生殊未休一入金
門直星霜三四周主恩信難報近地徒久留終當
乞閒官退與夫子遊

初除戶曹喜而言志

詔授戶曹掾捧詔感君恩感恩非爲已祿養及吾
親弟兄俱簪笏新婦儼衣巾羅弼高堂下拜慶正
紛紛俸錢四五萬月可奉晨昏廩祿二百石歲可
盈倉囷喧喧車馬來賀客滿我門不以我爲貪知
我家內貧置酒延賀客客亦歡欣笑云今日後
不復憂空樽答云如君言願君少遠巡我有平生

志醉後爲君陳人生百歲期七十有幾人浮榮及
虛位皆是身之資唯有衣與食此事粗關身苟免
饑寒外餘物盡浮雲

秋居書懷

門前少賓客堦下多松竹秋景下西墻涼風入東
屋有琴慵不弄有書閒不讀盡日方寸中澹然無
所欲何須廣居處不用遺積蓄丈室可容身斗儲
可充腹况無治道術坐受官家祿不種一枝桑不
鑄一籠穀終朝飽飯食卒歲豐衣服持此知愧心
自然易爲足

禁中曉臥因懷王起居

遲遲禁漏盡悄悄暝鷓喧夜雨槐花落微涼臥北
軒曙燈殘未滅風簾開自翻每得一靜境思與故
人言

養拙

鐵柔不爲劍木曲不爲輶今我亦如此愚蒙不及
門甘心謝名利滅跡歸丘園坐臥茅茨中但對琴
與樽身去輟鑠累耳辭朝市喧逍遙無所爲時窺
五千言無憂樂性場寡慾清心源始知不才者可
以探道根

寄李十建

外事牽我形外物誘我情李君別未久徧恹從中
生憶昨訪君時立馬扣柴荆有時君未起稚子喜
先迎連步笑出門衣翻冠或傾掃堦苔紋綠拂榻
藤陰清家醞及春熟園葵乘露烹看山東亭坐待
片南原行門靜唯鳥語坊遠少鼓聲相對盡日言
不及利與名分手來幾時明月三四盈別時殘花
落及此新蟬鳴芳歲忽已晚離抱悵未平豈不思
命駕吏職坐相縈前時君有期訪我來山城心賞
久云阻言約無自輕相去幸非遠走馬一日程

旅次華州贈袁右丞

渭水綠溶溶華山青崇崇山水一何麗君子在其
中才與世會合物隨誠感通德星降人福時雨助
歲功化行人無訟囹圄千日空政順氣亦和黍稷
三年豐客自帝城來驅馬出關東愛此一郡人如
見太古風方今天子心憂人正忡忡安得天下守
盡得如袁公

酬楊九弘白長安病中見寄

伏枕君寂寂折腰我營營所嗟經時別相去一宿
程携手昨何時昆明春水平離郡來幾日太白夏

雲生之子未得意貧病客帝城貧堅志士節病長
高人情隱几自恬淡閉門無送迎龍臥心有待鶴
瘦貌彌清清機發爲文投我如振瓊何以慰饑渴
捧之吟一聲

禁中偶直夢遊仙遊寺

西軒草詔暇松竹深寂寂月出清風來忽是山中
夕因成西南夢夢作遊仙客覺聞宮漏聲猶謂山
泉滴

贈王山人

聞君減寢食日聽神仙說開待非常人潛求長生

訣言長本對短未離生或轍假使得長生才能勝
天折松樹千年朽槿花一日歇畢竟共虛空何須
誇歲月彭殤徒自異生死終無別不如學無生無
生卽無滅

秋山

久病曠心賞今朝一登山山秋雲物冷稱我清羸
顏白石臥可枕青蘿行可攀意中如有得盡日不
欲還人生無幾何如寄天地閒心有千載憂身無
一日閒何時解塵網此地來掩關

贈能七倫

唐音統籤

卷四百四

十

丁

瀾松高百尋四時寒森森臨風有清韻向日無曲
陰如何時俗人但賞桃李林豈不知堅貞芳馨誘
其心能生學爲文氣高功亦深手中一百篇句句
披沙金若節二十年無人振陸沉今我尚貧賤徒
爲爾知音

題楊隱士西亭

靜得亭上境遠諧塵外蹤憑軒東南望鳥滅山重
重竹露冷煩襟杉風清病容曠然宜貞趣道與心
相逢卽此可遺世何必蓬壺峯

題贈卮秘書徵君石溝溪隱居

鄭生常隱天台
徵起而仕

今復謝病
隱於此

鄭君得自然虛白生心智吸彼沆瀣精凝爲冰雪
容大君貞元初求賢致時雍滿輪入翠微迎下天
台峯赤城別松喬黃閣交夔龍俛仰受三命從容
辭九重出籠鶴翩翩歸林鳳嗷嗷在火辨良玉經
霜識貞松新居寄楚山山碧溪溶溶丹竈燒煙燼
黃精花丰茸蕙帳夜琴淡桂樽春酒濃時人不
到處苔石無塵蹤我今何爲者趨世身龍鍾不向林
壑訪無由朝市逢終當解塵纓卜築來相從

及第後歸覲留別諸同年

十年常苦學一上謬成名擢第未爲貴賀親方始
榮時輩六七人送我出帝城軒車動行色絲管舉
離聲得意減別恨半酣輕遠程

二語張爲取
爲主客圖 翩翩

馬蹄疾春日歸鄉情

清夜琴興

月出鳥栖盡寂然坐空林是時心境閒可以彈素
琴清冷由木性恬淡隨人心心積和平氣木應正
始音響餘羣動息曲罷秋夜深正聲感元化天地
清沉沉